

YKS dan KPT seiring cakna kebajikan mahasiswa

UB 28.08.2023 P.03

Oleh Yap Slong Han

KOTA KINABALU: Timbalan Menteri Pendidikan Tinggi Datuk Yusof Apdal meluangkan masa menziarahi mahasiswa Universiti Malaysia Sabah (UMS), Dayangku Siti Mashitah Awangku Sulaiman yang sedang menerima rawatan di Hospital Queen Elizabeth I di sini, baru-baru ini.

Dayangku Siti Mashitah dimasukkan ke hospital sejak dua bulan lalu dan kehilangan kedua-dua belah tangan serta kaki disebabkan komplikasi penyakit apendiks.

Mahasiswa tahun dua jurusan Hubungan Antarabangsa UMS itu ketika ditanya masih menunjukkan semangat untuk meneruskan pengajiannya.

Justeru, Kementerian Pendidikan Tinggi (KPT) bersama UMS akan melihat kaedah terbaik untuk memudahkan urusannya.

“Kehadiran pihak KPT adalah sebagai tanda sokongan kepada pelajar dan ahli keluarga mereka serta komitmen keprihatinan berterusan Kementerian terhadap kebajikan dan kesejahteraan siswa



PRIHATIN: Yusof (tiga kiri) menyampaikan bantuan kepada waris pelajar.

kita,” katanya.

Beliau berkata demikian semasa menyalurkan bantuan bagi pihak Yayasan Kebajikan Siswa (YKS) kepada waris pelajar.

Katanya, YKS sejak 2021 aktif menyantuni dan menyediakan pelbagai jenis bantuan dan sumbangan bagi memanfaatkan mahasiswa IPTA dan IPTS yang berkeperluan.

Menurutnya, YKS juga akan terus giat memastikan kebajikan para pelajar adalah terjaga dan terpelihara sepanjang pengajian mereka di kampus.

Pada sesi ziarah yang sama,

bantuan oleh pihak Perbadanan Tabung Pendidikan Tinggi Nasional (PTPTN) juga disampaikan oleh Pengerusinya, Datuk Norliza Abdul Rahim dan Ketua Eksekutifnya, Ahmad Dasuki Abdul Majid.

Turut hadir bersama semasa sesi ziarah ini adalah Ketua Setiausaha KPT, Datuk Seri Abdul Razak Jaafar; Timbalan Naib Canselor (HEPA) UMS, Prof. Madya. Dr. Raman Noordin dan Ahli Majlis Perundingan Pelajar Kebangsaan (MPPK) merangkap Ahli Lembaga Pemegang Amanah YKS, Nur Zahiah Saideh.



KENANGAN: Yusof (Ilma kanan) merakamkan gambar kenangan ketika dalam lawatan terbabit.